

Ro Ta Paulus Ibeede La Ki Titus

1 ¹Nio Paulus, mbesoonjo ki Anutu mi ngonjana ki Yesu Krisi, ta anjbeede ro ti. Zin wal tau Anutu ipeikat zin be tiwe lene na, nio anjamam uraata beken ajuulu zin ma tiurla kini mi tiute kat sua ngonono. Naso tito mbulu kini, ²mi tiur matan pa mbotjana mata yaraarajana. Mbotjana tana, mungu kat, indeenje Anutu iur kosa sa zen na, ni imbuk sua pa. Mi ni irao ipakaam na som. Izzo sua ngonono men.^a ³Mi indeenje ka nol na, Anutu ta ulaaja kiti i, iur uruunu ambaijana imar nomon, mi ingo yo ma ajla be ansoyaara sua tana pizin tomtom. Naso timbot mat pa.^b

⁴O Titus, anjbeede ro ti ima paso, urlajana kiti ilup ituru ma tewe tamen, mi ajre u kembei lutun ngonono. Tamanda Anutu mi ulaaja kiti Yesu Krisi ko tikampe u, mi timboro u ma mbot ambai. Ngonono.^c

Titus bela iur mboronjan ambaimbaijan (1Tim 3:2-7)

⁵Mungu nio anjemu su mutu Krit mi anso pu be urpe uraata pakan ta anposop som na, mi ur zin mboronjan ma ikot kar ta boozomen. Mi ingi ansope u pa uraata ta ima nomom kek na.^d ⁶Tomtom ta nu sombe uri na, bela mbulu kini ta boozomen ambai men. Kokena tomtom tiyyo kwon pini. Mi bela igabiizi itunu mi imbotmbot ki kusiini ngonono men. Mi lutuunu bizin na, bela tileljen la kaljaana, mi tiurla ki Yesu, mi urun ambai. Kokena tizorzooro mi tiwirri pat kizin pa mbulu soroksorok.^e ⁷Pa mboronjan ta ikamam peeze pa lupjana ki Krisi na, mbulu kini ta boozomen bela ambai men. Kokena tomtom tiyyo kwon pini. Tana irao ito itunu leleene men pepe, mi keteene malmal karau pepe. Mi ni iwin ma zaza pepe, mi imangayaryaara pa malmal pepe. Mi irru zaala be iwatke le pat pepe.^f ⁸Ni kamja leemberjana, mi leleene pa mbulu ambaijana

^a 1:2 Ro 16:25+; 2Tim 1:1,9 ^b 1:3 Ro 1:5; Ga 1:1; Ep 1:9+; 1Tes 2:4; 1Tim 1:1-11

^c 1:4 Ro 1:7 ^d 1:5 Ijo 14:23; 2Tim 2:2 ^e 1:6 2Tim 2:24+ ^f 1:7 Mt 24:45; 1Kor 4:1; Ep 5:18; 1Pe 5:2

ilip. Mi ikamam kat ngar mi igabizbiizi itunu. Mi ikamam mbulu ndeenjajana mi potomjana men. ⁹Mi ikiskis sua ta tipaute i pa na, ma imbol pini. Pa sua tana, sua nonono. Irao tapase pa. Naso ni irao be ikam sua ambajana pizin tomtom be ipombol urlajana kizin, mi iswe zin wal ta tizorzooro pa sua nonono na.⁸

Mbulu kizin wal pakamkaamjan

¹⁰Tana ur zin mboronjan ta kembei. Pa wal boozomen tau niomjan kombotmbot na, zin wal zorzooronjan, mi tiyyo kwon pa sua soroksorok ta nono somjana i, mi tipandelndel zin tomtom. Zin Yuda ta timbotmbot la lupjana tiom na, zin ta timunmuungu pa mbulu tana.^h ¹¹Wal ta kembei na, peteke zin mi pumun kwon. Pa tipasansaana tomtom pakan zijan zin wal ta timbotmbot ruumu kizin na, ma urlajana kizin isaana. Wal pakamkaamjan tina na, kan mian somjan. Pa tipabogboogo sua ki Merere, bekana tiwatke len koron kizin tomtom.ⁱ ¹²Mungu Krit zitun merere kizin kwoon ta, ni iswe kat zin ma iso ta kembei: “Tomtom ki Krit tingi, zin pakamkaamjan mi sananjan kat. Zin kembei buzur sanjanjan. Mi zin belegleegan mi kopon kinijan kat.”

¹³Sua tana na, nonono men. Tana yaamba kat wal tana mi swe zin pa mbulu kizin pakaamjana. Naso urpe urlajana kizin ma ambai mini.^j ¹⁴Kokena tingun taljan pa mbol soroksorok kizin Yuda, ramaki tutu soroksorok kizin tomtom ta tipizil ndemen pa sua nonono kek na.^k

¹⁵Zin wal tau lenen ngeezan na, koron sa irao ipasaana zin pa Anutu mataana na som. Pa mbulu kizin ramaki koron kizin ta boozomen na ingeeze men. Tamen zin wal tau lenen ingeeze som, mi tiurla som na, mbulu kizin mi koron kizin sa ko irao ingeeze pa Anutu mataana na som. Pa lenen mi ngar kizin isaana kek.^l ¹⁶Wal ta kembena tindemeere sorok ma tiso tiute Anutu. Tamen mbulu kizin iswe zin kembei tipizil ndemen pini kek. Tana Anutu leleene pizin risa som. Pa tizorzooro la kaljaana, mi tirao be tikam uraata ambajana sa som.^m

Mbulu tabe wal ki Krisi tikam

2 ¹Mi nu Titus, kozo paute zin tomtom pa ngar ambajana tabe ipombol urlajana kizin.ⁿ ²Tana so pizin kolman be tigabiizi zitun, mi tikam mbulu kizin ma ambai men pa tomtom matan. Bela tikam mbulu raama ngar, mi urlajana kizin imbol, mi tiur lenen pizin tomtom, mi timender mboljana pa patajana.^o ³Mi zin kolmannan ta kembena. So

⁸ 1:9 1Tim 1:10, 6:3+; 2Tim 1:13, 2:15, 4:3; Tit 2:1 ^h 1:10 Ijo 15:1; 1Tim 1:6

ⁱ 1:11 Yo 10:12; 1Tim 6:5; 2Tim 3:6+; 1Pe 5:2 ^j 1:13 2Tim 4:2 ^k 1:14 Mt 15:9; Kol 2:21+;

1Tim 1:4, 4:7 ^l 1:15 Mt 15:11; Lu 11:39+; Ijo 10:15; Ro 14:14,20,23; 1Kor 6:12

^m 1:16 2Tim 3:5; 1Yo 1:6, 2:4; Yud 4 ⁿ 2:1 2Tim 1:13; Tit 1:9 ^o 2:2 1Tim 3:2+

pizin be tikam mbulu potomɲana men mi timoto Merere. Mi tingal sua pizin tomtom pepe, mi tiwe mbesooŋo pa winɲana pepe. Bela tipaute zin tomtom pa mbulu ambaiɲana.^p ⁴ Naso tipombol zin moori pakan be tiur lenen pa kusin bizin ma lutun bizin, ⁵ mibe tikam kat ŋgar mi tigabiizi zitun, mi tikam mbulu ŋgeezɛɲana men, mi timboro kat lele mi ruumu kizin, mi tikampe zin tomtom, mi tikoto zitun ma timbot la kusin bizin kopon mbarman. Tona tomtom sa ko irao be iyyo kwoono pa Anutu sua kini som.^q

⁶ Mi zin nanɲaɲ kaibiim na, pombol zin be tikam kat ŋgar mi tigabiizi zitun. ⁷ Mi nu itum na, kozo we kin ambaiɲana pizin, mi patoŋo zin pa mbulu ambaimbaiɲan ta munɲaana men, to zin tiyose. Sombe kam sua pizin tomtom, na kam sua ŋonoono men raama lelem. Mi motom ingal itum be mbulu ku ingeeze men pa tomtom matan.^r ⁸ Mi kam sua ambaiɲana tabe ipombol urlaɲana kizin tomtom. Kokena tomtom sa iyo kwoono piti. Tona zin wal ta tizorzooru ko kan miaɲ pa mbulu kizin, mi timaane men. Paso, zin ko tire u kembei nu kam ŋoobo mbulu sa som.^s

⁹ Mi zin wal ki Kriŋi ta tiwe mbesooŋo sorok na, so pizin be tileŋleŋ la bibip kizin kaɲan, mibe tikam kat uraata kizin ta boozomen ma irao bibip kizin lenen. Mi tipetekat sua pizin pepe,^t ¹⁰ naman sosor pa bibip kizin koroŋ kizin sa pepe. Bela matan ingalɲal uraata kizin mi tikam kat. Naso bibip kizin tirao be tindemeere zin. Pa mbulu ta kembei ko ikam ma Anutu ta ulaaɲa kiti na, sua kini ingeeze pa tomtom matan.^u

Kampeɲana mi muɲaiɲana ki Anutu ta ipiyooto mbulu ambaiɲana

¹¹ Iti tuute: Kampeɲana mi muɲaiɲana ki Anutu ta ipet mat kek. Tana koozi wal ta boozomen len zaala be Anutu ikamke zin.^v ¹² Mi kampeɲana mi muɲaiɲana kini tana ipaute iti ta kembei: Koozi, mbulu boozomen ta ito Anutu ŋgar kini som, ramaki mbulu toono kan ta nindi izze pa i, na bela tipizil ndemende pa ma imap ma imborene. Mi takam kat ŋgar mi tagabiizi itundu, mi takam mbulu ndeeɲɛɲana men ta ito Anutu ŋgar kini.^w ¹³ Tana iti bela takamam ta kembei, mi tu'urur matanda pa Merere kiti Yesu Kriŋi, be imiili ma imar mini raama mburaana mi azuɲka kini biibi. Ni Anutu kiti mi Ulaaɲa kiti zaanaɲana. Mbulu tana iso ipet, nako lelende ambai kat pa kampeɲana tabe ise kiti i.^x ¹⁴ Yesu Kriŋi, ni ikam murindi mi izem itunu ma imeete piti, bekana isan ti la sanaana mburaana, mibe ipus ti ma tewe ndeeɲɛɲanda, mi

^p 2:3 1Tim 3:11; 2Tim 2:9+; 1Pe 3:3+ ^q 2:5 1Kor 14:34; Ep 5:22; Kol 3:18; 1Tim 2:11, 6:1; 1Pe 3:1 ^r 2:7 1Tim 4:12; 1Pe 5:3 ^s 2:8 Tit 1:9; 1Pe 2:12,15, 3:16 ^t 2:9 Ep 6:5+; Kol 3:22+; 1Tim 6:1+ ^u 2:10 Mt 5:16; Pil 2:15 ^v 2:11 1Tim 2:4; Tit 3:4+; 2Pe 3:9 ^w 2:12 Ro 6:19; Ep 1:4; Kol 1:22; 1Tes 4:7; 1Pe 1:15; 1Yo 2:15+ ^x 2:13 1Kor 1:7; Pil 3:20; 1Yo 3:2

tewe ni lene. Naso matanda siŋsiŋ be takam uraata ambaimbaiŋan matakiŋa.^y

¹⁵Sua tio ta boozomen taiŋgi, kozo paute zin tomtom pa, mi pazal zin pa, mi pombol zin be tito kat. Mi re. Kokena tomtom sa mata pasomu. Pa nu zom pa uraata ku.^z

Mbulu kizin wal urlaŋana kan

3 ¹Pei ngar kizin tomtom be timbotmbot la zin bibip ki gabman ta tikamam peeze piti i kopon mbarman mi tileŋleŋ la kalŋan, mibe matan siŋsiŋ pa uraata ambaimbaiŋan matakiŋa ta boozomen.^a ²Mi so pizin be tipiri sua sananŋana pa tomtom sa pepe, mi tizooro pepe. Mibe tikam mbulu luumuŋana men, mi len nger pa tomtom ta boozomen.^b

³Pa muŋgu iti tomini takankaana pa Anutu, mi tozoroori, mi takamam mbulu bozboozo, mi tomtom tipandelndel ti pa sua kizin pakaamuŋana, mi nindi izze pa mbulu soroksorok boozomen ki toono mi tewe mbesooŋo pa. Takamam ngar sananŋana pizin tomtom, mi matanda mburmbur pizin, mi itiŋan tomtom ta boozomen taparwe kanda koi ma tombotmbot.^c ⁴Tamen indeeŋe kampeŋana mi muŋaiŋana ki Anutu ta ulaaŋa kiti na ipet mat na, ni iwe tundu mi ikamke iti.^d ⁵⁻⁶Mi iti takam mbulu ndeeŋeŋana sa ta ni ikamke iti pa i na som. Som kat. Ina ni itunu muŋaiŋana kini tau. Zaala ta ni ikamke iti pa i, ina ta kembei: Bubuna Potomuŋana ikam uraata piti ma tewe popoŋanda, mi ipus ti ma tewe ngeezeŋanda. Pa Ulaaŋa kiti Yesu Kisi iwe zaala piti, tanata Anutu ikam Bubuna Potomuŋana ma isu ma isalakaala iti.^e ⁷Tana kampeŋana mi muŋaiŋana ki Anutu, ta ikam ti ma tewe ndeeŋeŋanda pa ni mataana. Mi koozi zanda be takam mbotŋana mata yayaaraŋana mi tu'urur matanda pa.^f

⁸Sua tana, sua ŋonoono. Irao tuurla mi tapase pa. Tana nio leleŋ be nu kwom imbolmbol pa. Naso zin wal tau tiurla ki Anutu na, matan ingalŋgal be tikam uraata mi mbulu ambaimbaiŋan totomen. Pa mbulu ta kembei, ina ambai mi iuluulu zin tomtom.^g

⁹Mi zin wal ta tiyyo kwon pa sua kankaanaŋana, mi tiwidit Yuda tumbun bizin un mi tiparzorooro pa tutu ki Mose na, mbotmbot molo pizin. Pa sua soroksorok ta kembei, ko iuluulu iti risa som, mi ipiyooto ŋonoono ambaiŋana sa som.^h ¹⁰⁻¹¹Sombe tomtom sa izorooro mi irekreege lupŋana ki Kisi, na loŋa mi peteke i. Peteke i pa ta ma som, mi

^y 2:14 Kam 19:5; Mbo 130:8; Ga 1:4; Ep 2:10; Ibr 9:14; 1Pe 2:9 ^z 2:15 1Kor 16:11; 1Tim 4:12; 2Tim 4:2 ^a 3:1 Ro 13:1+; 1Pe 2:13+ ^b 3:2 Ep 4:2,31; Pil 4:5; Kol 3:12; 2Tim 2:24+
^c 3:3 1Kor 6:11; Ep 2:1+, 5:8; 1Pe 4:3 ^d 3:4 Tit 2:11 ^e 3:5-6 Yo 3:3+; Ŋgo 2:17-33, 15:11; Ro 3:20+, 5:5; Ga 2:16; 2Tim 1:9 ^f 3:7 Ro 8:17,23+ ^g 3:8 1Tim 1:14+ ^h 3:9 1Tim 1:4; 2Tim 2:23; Tit 1:14

so iwe ru pa ma som, to pizil ndemem pini, mi mbot molo pini. Pa nu ute: Tomtom ta inoknok sanaana ta kembei, ni izem zaala ki Anutu kek. Tana mbulu kini tina iswe i kembei kaimer ni kola ikam kadoono sananjana mi ila lene.ⁱ

Sua pemetjana

¹² Re sombe ango Atemas, som Tikikus ma ima, to toombo be loja mi mar tio ta Nikopolis i. Pa ingi lele ilomo kek. Mi re lene ta tingi na, anso anla anbot ta tinga.^j ¹³ Sombe Zenas ta iute kat tutu ki Rom na, ziru Apolos tima tipet ku, na re zin pa mboti mi pai kizin, kokena timbot joobo.^k ¹⁴ Pa iti wal kiti tomuni, irao tikam ngar pa mbulu ki kampejana, mi tiuulu zin wal ta timbot joobo i. Kokena urlanana kizin ipiyoto ononoo ambaijana sa som.^l

¹⁵ Wal boozomen tau niamjan ambotmbot taiŋgi na, tikam aigule kizin pu. Mi pakanda bizin ta niomjan kombotmbot tina, mi tiur lelen piam mi tikiskis urlanana kizin na, we kwoyam mi kam aigule tiam pizin.

Kampejana ki Anutu ko ise tiom. Ononoo.

ⁱ 3:10-11 Mt 18:15+; Ro 16:17+; 2Tes 3:6; 1Tim 6:3+; 2Tim 3:5; 2Yo 10 ^j 3:12 Kol 4:7+

^k 3:13 Ŋgo 18:24+ ^l 3:14 Pil 1:11; Kol 1:10; Tit 2:14